

永赤如血 高宗四年三月壬午乾方有赤  
氣戊子赤氣見于東西辛卯赤氣橫亘四方  
六月戊子紫氣漫天七年二月戊寅赤祲竟  
天三日八年八月丙子赤氣見于東方九年  
三月庚午四方赤祲四月乙巳赤祲見于東  
方七月庚午赤祲見于西北十一年九月乙  
丑赤雲自坤方至北如火影占云所向兵至  
十二年七月庚午西北方有赤氣十四年三  
月丙寅赤祲見于西方六月癸丑赤虹衝天

高麗史 卷五十三 三十一